



Dei inviterte

**Korleis styrkja praktiske og estetiske (kunstfag) i barnehage, skule, kulturskule og høgare utdanning. Samspel 2011.**

**Konferanse 20.10.11 på Høgskolen i Bergen, Aulaen ved Avdeling for lærarutdanning, Landås, kl 1000 – 1530. Invitasjon og program**

Vi viser til tidlegare invitasjon 20.06.11 og orientering (jf vedlegg). Konferansen 2011 har ei tredelt målsetjing, og vil 20.10.11 leggja vekt på dei estetiske faga (kunstfaga), særleg musikk, og ha fokus på skule og høgare utdanning. I 2012 vil kulturskulen stå sentralt.

- Status 2011 for dei estetiske (kunstfaga) faga i skule og høgare utdanning.
- Korleis styrkja desse faga?
- Føringar for konferansane i 2012 og 2013.

Program for konferansen 2011, 20. oktober kl 1000-1530 på Høgskolen i Bergen:

**1. Organisering**

Innlegg, panel og plenum

**2. Program**

- Kunstnarisk innslag
- Vel møtt v/ rektor Ole-Gunnar Søgne, HiB
- 1015 Opningsforedrag v/ statsråd Tora Aasland, Kunnskapsdepartementet
- 1100 Status og innspel til korleis styrkja dei estetiske faga v/professor Magne Espeland, Høgskolen Stord/Haugesund
- 1145 Lunsj
- 1230 Kvifor treng samfunnet at dei estetiske faga vert styrkte v/fylkeskultursjef Anna Elisa Tryti, Hordaland fylkeskommune
- 1245 Kva burde vi vita om kva musikk skal vera godt for v/professor Brynjulf Stige, UiB
- 1315 Kva har kunstformidlinga å seia for den estetiske danninga til barn v/kulturbyrå- en i Bergen kommune


- 1345 Når kunsthøgskolen verkar. Om resultat frå det europeiske forskingsprosjektet DICE v/professor Stig A. Eriksson og førsteamanuensis Kari Mjåland Heggstad, HiB
- 1415 Musikkfagets plass i ungdomsskolen sett frå ståstaden til musikk læraren v/stipendiat Silje Valde Onsrud, HiB

**Det vert høve til spørsmål og synspunkt til kvart av innlegga, ikkje minst frå Norsk kulturskoleråd-Hordaland, professor Aslaug Nytnes, HiB, rådmann Tone Tveito Eidnes, Ullensvang herad, og eventuelt frå Kulturdepartementet og andre. Desse vil sitja i eit panel.**

3. **Oppsummering** v/utdanningsdirektør Kjellbjørg Lunde, Fylkesmannen i Hordaland  
Vi vil elles dokumentera heile konferansen i eit eige notat, som senterleiar Eiliv Olsen ved Senter for kunsthøgskole, kultur og kommunikasjon har ansvaret for. Konferansedeltakarane vil få notatet pr. e-post.
4. **Avslutning** v/prorektor Bjørg Kristin Selvik, HiB

Frist for påmelding 10.10.11 til Ranveig Heide Jørgensen, [rhi@hib.no](mailto:rhi@hib.no), tlf. 55 58 75 72.

Med helsing

  
Ole Gunnar Sognen  
rektor

  
Audun Rivedal  
høgskoledirektør



**HØGSKOLEN I BERGEN**

Saksbehandlar: Nils Mæhle  
Tlf.: +47 55587101

Vår dato: 20.06.2011  
Dykkar dato:

Vår ref. 2008/4439 - 0  
Dykkar ref.:

Statsråd Tora Aasland  
Kunnskapsdepartementet  
Postboks 8119 Dep  
0032 Oslo

## **Korleis styrkja praktiske og estetiske fag i skule og høgare utdanning. Samspel 2011, 20. oktober på Høgskolen i Bergen**

Vi viser til kontakt, og vil gjerne invitera deg til denne konferansen 20. oktober kl 1000-1500 ved Høgskolen i Bergen.

Mykje tyder på at dei praktiske og estetiske faga er på vikande front i skule og høgare utdanning. Dette spørsmålet vart i brev 13.09.2010 frå rektorane ved Stord/Haugesund, Høgskolen i Bergen, Høgskulen i Sogn og Fjordane og Høgskulen i Volda teke opp med dei to statsrådene i Kunnskapsdepartementet. Vi viser også til utgreiinga om "Praktiske og estetiske fag og lærerutdanning" (arbeidsgruppe sett ned av KD hausten 2010). Vidare viser vi til brev 23.04.09 frå Fylkesmannen i Hordaland om "Kompetanseutvikling for lærarar og andre som arbeider med den Den kulturelle skulesekken", og til svar 29.06.09 frå kunnskapsministeren.

Vi har med glede merka oss at departementet følgjer opp på ulike måtar. No ynskjer samarbeidspartar i Hordaland å arbeida vidare med saka regionalt, og vonar opplegget vårt kan ha nasjonal interesse. Den konkrete planlegginga har vore gjennomført av Høgskolen i Bergen, Høgskolen Stord/Haugesund, Hordaland fylkeskommune og Fylkesmannen i Hordaland. Vi ynskjer også å ha med Universitetet i Bergen, Bergen kommune og Norsk kulturskoleråd.

Vi har kome fram til eit tre-årig perspektiv på samarbeidet, med følgjande overskrifter:

- 2011 Nasjonalt og regionalt politisk nivå og forvaltningsnivå
- 2012 Regionalt, nasjonalt og internasjonalt aktørnivå
- 2013 Regionalt brukarnivå, prosjekt, og internasjonalt samarbeidsnivå

### ***Vi har slik overordna målsetjing mm for opplegget vårt:***

*Har vi ein skule som i større grad enn før marginaliserer kulturelle og estetiske læreprosessar og læringsstrategiar? Har vi ein skule og eit kunst- og kulturliv som spelar på lag? Konferansen (SAMPEL2011) er eit samarbeid mellom Høgskolen i Bergen, Høgskolen Stord/Haugesund, Hordaland fylkeskommune, Fylkesmannen i*

*Hordaland, Bergen kommune, Universitetet i Bergen og Kulturskolerådet. Andre samarbeidspartar kan koma med.*

*Gjennom etableringa av dette samarbeidsprosjektet ynskjer vi å retta merksemda mot situasjonen for estetiske fag på ulike nivå i skulen (barnehage/førskule, grunnskule, og vidaregåande opplæring) og i lærarutdanninga. Siktemålet er eit tettare samspel mellom ulike forvaltnings- og utdanningsinstitusjonar med sikte på betre å kunna utvikla Vestlandsregionen som ein utdanningsregion der estetikk, kunst og kultur pregar opplæring og utdanning på ulike nivå og i ulike sammenhengar.*

*SAMSPEL 2011 er den første av tre planlagde årlege konferansar. Bidragsytarar og målgruppe for den første konferansen er henta frå øvste politiske nivå, frå aktuelle forskingsmiljø og frå kunst- og kulturlivet.*

Konferansen 20. oktober er tenkt som ein spissa rundebordkonferanse med inviterte deltakarar. Hovudfokus vil vera korleis vi kan styrkja dei estetiske faga i skule og lærarutdanning. Samtidig vil konferansen leggja føringar for innhaldet i konferansane 2012 og 2013.

Vi planlegg med slike innleiarar på konferansen 2011:

- Statsråd frå Kunnskapsdepartementet og frå politisk leiing i Kulturdepartementet
- Universitets- og høgskulesektoren
- Fylkeskommunen og Fylkesmannen
- Lærarutdanninga
- Kommunesektoren
- Kulturfeltet

Vi viser til dette, og vonar statsråden har høve til å delta. Politisk leiing i Kulturdepartementet vil også verta invitert.

Med helsing  
på vegner av samarbeidsprosjektet

Eli Bergsvik  
rektor

Kopi: Kulturdepartementet  
Fylkesmannen i Hordaland  
Hordaland fylkeskommune  
Bergen kommune  
Universitetet i Bergen  
Høgskolen Stord/Haugesund  
Norsk kulturskoleråd